

四庫全書

史部

欽定四庫全書

史部

御批歷代通鑑輯覽卷七十五

詳校官侍講_臣王燕緒

編修_臣裴謙覆勘

總校官進士_臣程嘉謨

校對官學錄_臣常 循

謄錄監生_臣馬 錦

欽定四庫全書

御批歷代通鑑輯覽卷七十五

宋

仁宗皇帝

慶曆二年春正月復權鹽法

自元昊反軍興用度不足因聽並邊入中芻粟予券

趨京師權貨務

宋初京城置權貨務後但給金銀交鈔往還而不積茶貨

受錢若

金銀入中他貨予券償以池鹽由是羽毛筋角膠漆

鐵炭瓦木之類一切以鹽易之猾商貪吏表裏為姦

至入榷木二佑錢千
給鹽二百二十斤

鹽直益賤販者不行至是詔凡

商人虛估受券及已受鹽未鬻者皆計直輸廊官錢

內地州軍民間鹽悉收市入官官為置場增價出之

復禁永興等十一州軍商鹽官自輦運以衙前

民之
充從

者主官物
制見前

主之又禁商鹽私入蜀置折博務于永興

鳳翔聽人入錢若蜀貨易鹽趨蜀中以售已而東南

未鹽悉復禁榷

二月置義勇軍

詔選河北諸州彊壯者為軍刺手背為義勇字各營
于其州給以俸廩分番訓練不願者釋之尋又刺陝
西秦鳳路義勇為保捷軍

三月詔舉將才

契丹來求關南地夏四月遣知制誥富弼報之

契丹主有南侵意會元昊反欲乘釁取瓦橋以南十

縣地乃集羣臣議南院

進官制分北南院曰北西南
面北面主宮帳部族屬國之

政南面主漢人州縣租賦軍馬之政

樞密使蕭惠曰宋人西征有年師

老民疲陛下親帥六軍臨之其勝必矣北院樞密使

蕭孝穆曰我先朝與宋和好無罪伐之其曲在我況

勝未可逆料願熟察之契丹主從惠言遣南院宣徽

使蕭特默

國舅大父房之後舊作特末今改正

翰林學士劉六符

河間人唐

節度使忤之後

來致書取故地及問興師伐夏并沿邊疏濬

水澤增益兵戍之故特默至呂夷簡奏弼為接伴使

與中使迎勞之特默托疾不拜弼曰吾嘗使北病卧

弼為接伴使能令特默覺然起敬且盡得其隱情小試之而已

效報聘之選誠無出其右者夷簡之薦為得人于國事自有裨益史稱夷簡不悅弼因薦之而歐陽修為之乞留是徒以弼之夷險為要而置使命之得人與否于不論豈真忠于國家之見哉

車中間命輒起今中使至而子不拜何也特默等矍然起拜弼開懷與語特默感說亦不復隱其情密以其主所欲得者告且曰可從從之不然以一事塞之弼具以聞帝惟許增歲幣或以宗室女嫁其子且令夷簡擇報聘者夷簡不悅弼因薦之集賢校理歐陽修引顏真卿使李希烈事請留之不報弼得命即入對叩頭曰主憂臣辱臣不敢愛其死帝為動色進弼樞密直學士弼辭曰國家有急義不憚勞奈何逆以

官爵賂之遂往

五月以大名府為北京

契丹聚兵幽薊聲言南下朝議請城洛陽呂夷簡曰

此子囊城郢計也

事見左傳

使契丹得渡河雖高城深池

何可恃耶我聞契丹畏壯侮怯景德之役非乘輿濟

河則未易服也宜建都大名示將親征以伐其謀帝

從之建大名為北京即真宗駐蹕之所城焉識者韙

之

六月以王德用判定州

以契丹兵壓境詔德用判定州兼三路都部署德用
時教士卒習戰頃之士勇皆可用契丹遣人來覘或
請捕之德用曰彼得其實以告是服人之兵以不戰
也明日大閱于郊下令具糗糧聽吾鼓視吾旗所向
覘者歸告北庭謂漢兵將大至和議益決

秋七月以呂夷簡章得象兼樞密使

初富弼建議宰相兼樞密使帝曰軍國之務當悉歸

中書樞密非古官然未欲遽廢故止令中書同議樞密院事及是知諫院張方平請廢樞密院帝乃追用弼議命夷簡得象判樞密事議者以判名太重夷簡亦不敢當遂改兼樞密使

富弼還復如契丹

弼至契丹見契丹主言曰兩朝人主父子繼好垂四十年一旦求割地何也契丹主曰南朝違約塞鴈門增塘水治城隍籍民兵將以何為羣臣請舉兵而南

吾謂不若遣使求地求而不獲舉兵未晚弼曰北朝
忘章聖皇帝之大德乎澶淵之役苟從諸將言北兵
無得脫者且北朝與中國通好則人主專其利而臣
下無所獲若用兵則利歸臣下而人主受其禍故勸
用兵者皆為身謀爾契丹主驚曰何謂也弼曰晉高
祖欺天叛君末帝昏亂土宇狹小上下離叛故契丹
全師獨克然擄獲金幣充牣諸臣之家而壯士健馬
物故大半今中國提封萬里精兵百萬法令修明上

下一心北朝欲用兵能保其必勝乎就使其勝所亡
士馬羣臣當之歟抑人主當之歟若通好不絕歲幣
盡歸人主羣臣何利焉契丹主大悟首肯者久之弼
又曰塞鴈門者備元昊也塘水始于何承矩事在通
好前城隍皆修舊民兵亦補闕非違約也契丹主曰
微卿言吾不知其詳雖然吾祖宗故地當見還也弼
曰晉以盧龍賂契丹周世宗復取關南地皆異代事
若各求地豈北朝之利哉既退劉六符曰吾主恥受

金幣堅欲十縣何如弼曰本朝皇帝嘗言為祖宗守國豈敢妄以土地與人北朝所欲不過租賦爾朕不忍多殺兩朝赤子故屈已增幣以代之若必欲得地是志在敗盟假此為辭爾澶淵之盟天地鬼神實臨之北朝首發兵端過不在我天地鬼神其可欺乎六符謂其介曰南朝皇帝存心如此大善當共奏使兩主意通明日契丹主召弼同獵引弼馬自近謂曰得地則歡好可久弼反覆陳其不可狀且言北朝既以

得地為榮南朝必以失地為辱兄弟之國豈可一榮
一辱哉獵罷六符曰吾主聞公榮辱之言意甚感悟
今惟有結昏可議爾弼曰結昏易生嫌隙本朝長公
主出降齋送不過十萬緡豈若歲幣無窮之利哉契
丹主諭弼使還曰俟卿再至當擇一事受之卿其遂
以誓書來弼還具以白帝帝復使弼持和親增幣二
議及誓書往契丹且命受口傳之詞于政府既行次
樂壽謂副使張茂實曰吾為使而不見國書脫書詞

弼使命北朝乃
邊圉重計所係
設書詞與口傳
異其為害于國
臣者尚小而貽
誤于國事者實
大幸而弼中途
啟視得以不隳
和議否則債事
矣政府承譏制
書豈容或有訛
舛即過出無心
尚且不可況意
存傾陷挾私嫌
以敗公事乎獨
怪仁宗遣使外

與口傳異吾事敗矣啟視果不同馳還都以晡時入
見曰政府故為此以陷臣臣死不足惜如國事何帝
以問晏殊殊曰呂夷簡決不為此誠恐誤爾弼曰晏
殊姦邪黨夷簡以欺陛下遂易書而行

九月暨契丹平

弼至契丹不復議婚專欲增幣且曰南朝既增我歲
幣其遺我之辭當曰獻弼曰南朝為兄豈有兄獻于
弟乎契丹主曰然則為納字弼曰亦不可契丹主曰

邦國書既全不
寓目及弼馳還
入奏又任晏殊
謾詞掩飾不加
究詰當時政治
尚可問耶

南朝既以厚幣遺我是懼我矣于一字何有若我擁
兵而南得無悔乎弼曰本朝兼愛南北之民故屈已
增幣何名為懼或不得已而用兵則當以曲直為勝
負非使臣之所知也契丹主曰卿勿固執古有之矣
弼曰自古惟唐高祖借兵突厥當時贈遺或稱獻納
然後頡利為太宗所擒豈復有此禮哉聲色俱厲契
丹主知不可奪乃曰吾當自遣人議之乃留增幣誓
書而使其北院樞密副使耶律仁先

字濟蘭孟及劉
父房之後

貢獻義同納亦
貢獻之謂富弼
爭執再三稍有
丈夫氣而其時
宰相畏懦務為
苟安仁宗又急
圖了事遂至名
實俱虧積弱之
勢既成益見其
懣懣不振誠可
笑耳

六符持誓書與弼偕來且議獻納二字弼至入對曰

二字臣以死拒之彼氣折矣可勿許也帝用晏殊議

竟以納字許之于是歲增銀絹各十萬匹兩送至白

溝仍遣知制誥梁適

字仲賢
東平人

持誓書與仁先如契丹

報之契丹亦遣使再致誓書來報撤兵自是通好如

故

按濟蘭舊作
紮鄰今改

閏月元昊寇鎮戎軍副總管葛懷敏

真定人

會兵禦之敗

死元昊遂大掠渭州

元昊入寇攻鎮戎軍先是知延州龐籍言夏境鼠食

稼且旱元昊思納款詔命知保安軍劉拯諭元昊親

信野利綱哩拉

即野利旺榮舊作剛浪陵今改

雅奇

舊作遇乞今改

兄弟令

內附即畀西平爵土綱哩拉令拉默特

舊作浪哩今改

薩勒

奇

舊作賞乞今改

瑪尼

舊作媚娘今改

三人詣种世衡乞降

世衡知其詐曰

與其殺之不若因以為間

又遣其教練使李文貴至

青澗報世衡言用兵以來資用困乏人情便于和世

衡以白籍籍曰此詐也乃屯兵青澗留文貴不遣至

昌朝力辭使命
視弼之奉使過
行賢不肖相去
不可以道里計

是元昊果大入王沿使葛懷敏督諸砦兵禦之分諸

將為四路趨定川砦

在固原州西北

賊毀橋斷其歸路四面

圍之懷敏突圍走由是大潰懷敏馳至長城

在固原州西北

與隆德縣接界秦時故址也

濠路已斷遂及將校十四人死焉餘

軍馬皆為敵所得元昊乘勝直抵渭州焚蕩廬舍屠

掠民畜自涇邠以東皆閉壘自守范仲淹自將慶州

蕃漢兵援之元昊乃還

議者欲以金繒啖契丹使攻元昊命御史中丞賈昌朝往

使昌朝力辭使命且上疏曰太祖收方鎮之權以為萬世利及太宗時將帥率多舊人猶能仗威靈所向

即其所陳諸弊亦不過藉紙上空談以飾其規避之迹仁宗乃嘉予之所為與呂后對昌頓同執史臣方稱其美德吁可怪哉

有功近歲因西羌之叛驟擇將領而士不練習以屢易之將馭不練之士故戰則必敗此削方鎮太過之弊也況今武臣多親舊恩倖出即為將素不知兵一旦付與千萬人之命是驅之死地矣此用親舊恩倖之弊也請自今方鎮守臣無數更易刺史以上宜慎所授以待有功且命將之時去疑貳推恩惠務責以大效使一切便宜從事庶得馭將之道帝嘉納之

冬十一月以韓琦范仲淹龐籍為陝西安撫經畧招討使置司涇州

初翰林學士王堯臣

字伯庸虞城人

體量安撫陝西歸上疏

論兵因言韓琦范仲淹皆忠義智勇不當置之散地

及葛懷敏敗死中外震懼帝思堯臣之言時已命文
彥博經畧涇原帝以涇原傷夷欲對從仲淹使王懷
德繼忠諭之仲淹附奏乞與韓琦同經畧涇原並駐

涇州琦兼秦鳳臣兼環慶涇原有警臣與琦合秦鳳
環慶之兵犄角而進若秦鳳環慶有警亦可率涇原
之師為援臣當與琦練兵選將漸復橫山以斷賊臂
不數年間可期平定願詔龐籍兼領環慶以成首尾
之勢秦州委文彥博慶州用滕宗諒總之渭州一武

臣足矣帝采用其策乃復置陝西路經畧安撫招討使總四路之事置府涇州益屯兵三萬以琦仲淹籍分領之復以堯臣為體量安撫使徙彥博帥秦宗諒帥慶張亢帥渭州堯臣復言琦等既為總使則四路當臬節制不當復帶使名各置司行事使所臬不一于是諸路並罷經畧使

琦與仲淹在兵間久名重一時人心歸之朝廷倚以為重

二人號令嚴明愛撫士卒諸羌來者推誠撫接咸感恩畏威不敢輒犯邊境邊人為之謠曰軍中有一韓西賊聞之心膽寒軍中有一范西賊聞之驚破膽

徵處士孫復

字明復晉
州平陽人

為國子監直講

復舉進士不第退居泰山著春秋尊王發微十二篇
國子直講石介嘗師事之語人曰孫先生非隱者也
于是范仲淹富弼皆言復有經術宜在朝廷故召用
之

以富弼為翰林學士辭不拜

弼始受命使契丹聞一女卒再往聞一男生皆不顧
得家書未嘗發輒焚之曰徒亂人意于是帝復申樞

密直學士之命弼辭又除翰林學士弼懇辭曰增歲幣非臣本意特以方討元昊未暇與角故不敢以死爭安敢受賞乎

癸未 三年春正月元昊上書請和

元昊雖數勝然死亡創夷相半人困黠集財力不給國中為十不如之謠以怨之种世衡又以計遣王嵩

本僧人王光信世衡奏補三班借職更名嵩遺書間其大將野利綱哩拉

雅奇兄弟皆得罪綱哩拉雅奇皆有才謀號大王親信用事世衡謀間之乃為蠟書遣

嵩遺綱哩拉言朝廷知王有向漢心已授夏州節度
并以棗緞畫龜喻其早歸之意綱哩拉得書笑曰种
使君長矣何為此兒戲乃執嵩以書自詣元昊上之
元昊果疑綱哩拉不令歸而綱嵩冢中遣人詐為綱
哩拉使使世衡世衡知其為元昊所遣故為歎語而
厚遣之使還元昊出嵩冢中而綱哩拉已報死矣世
衡知其謀已行復為文以祭綱哩拉悼其兄弟有意
本朝垂成而失投之境上夏人得之以獻元昊雅奇
以此亦元昊既失二將久之知為世衡所賣遂定講
并獲罪

和之策時帝亦以西鄙用兵日久心厭之會契丹使
言元昊欲歸款乃密詔龐籍招納之籍遣李文貴還
以通意元昊聞之大喜厚禮王嵩使與文貴以書至

延州議和

續綱目作文貴以綱哩拉書議和考宋史種世衡傳元昊得王嵩書遣李文貴以剛

哩拉旨報世衡而夏國傳文貴于元昊未寇鎮戎之前已為龐籍所留二傳前後矛盾續綱目採錄殊混

今依宋元通鑑改輯然猶倔彊不肯削僭號且云如日方中止

可順天西行安可逆天東下籍以其言未服乃令自

請而詔籍復書許之元昊知朝廷許和有緒乃遣其

六宅使賀從勗與文貴至延州上書自稱男邦泥鼎

國烏珠

舊作沈定國元卒今改正

上書父大宋皇帝更名曩霄而

不稱臣

烏珠即吾祖也如可汗號

籍言名體未正不敢以聞從勗

元昊稱男而不稱臣其不肯服事之心迹已露龐籍奉命議和即當執名分大義為之開導如其不悟則移兵致討以伸國威

可耳至烏珠乃酋長之稱與吾祖字義了無關涉顧據內地嫌音與之爭較非惟為西賊所哂實貽千古笑資其後富弼所論最為得體蔡襄猶不免泥于庸俗之見也

曰子事父猶臣事君也若得至京師天子不許更歸議之籍送使者闕下因陳便宜言羌久不通和市國人愁怨今辭理寢順必有改事中國之心請遣使諭之

二月立四門學

三月以呂夷簡為司徒同議軍國大事

先是夷簡感風眩詔拜司空平章軍國大事疾稍愈命數日一至中書裁決可否夷簡力辭帝降手詔曰

古謂髭可療疾今剪以賜卿至是帝御延和殿召見

敕乘馬至殿門命內侍取兀子

坐具有倚曰輿
椅無倚曰兀輿昇也

以前夷簡辭避久之詔給扶母拜乃罷相改授司徒

同議軍國大事

以晏殊同平章事兼樞密使賈昌朝參知政事富弼為
樞密副使弼固辭不拜

弼見帝言契丹既結好議者便謂無事萬一敗盟臣
死且有罪願陛下思其輕侮之恥坐薪嘗膽不忘修

政且收臣新命使天下知使臣不受賞和好未可保
其于守備決不敢懈帝察其意堅改授資政殿學士
召夏竦為樞密使

以歐陽修王素

字仲儀
旦子

蔡襄知諫院余靖為右正言

增置諫官以修等為之襄喜賢路開而慮正人難久
立乃上疏曰修等忠誠剛正必能盡言但恐邪人不
利必造為禦之之說其說不過有三曰好名好進彰
君過爾願陛下察之修每入對帝必延問執政咨所

宜行既多所張弛小人翕翕不便修慮善人必不勝

數為帝分別言之

初范仲淹貶饒州修及尹洙余靖皆以直仲淹見逐羣邪目之曰黨

人于是朋黨之論起修論事切直人視之如仇帝獨獎其敢言顧侍臣曰如歐陽修者何處得來

夏四月遣使如夏州

賀從勗至京帝用龐籍言命著作佐郎邵良佐更往議之許封冊元昊為夏國主歲賜絹十萬匹茶三萬斤富弼言元昊臣契丹而不臣我朝則是契丹為無敵于天下矣須令稱臣乃可許和蔡襄亦言烏珠之譯為吾祖

特以侮慢朝廷使朝廷賜之詔而亦曰吾祖是何等語
耶不可許其請帝皆不聽良佐至夏州元昊亦遣儒定
裕舍舊作如定張延壽等來議和及歲幣

以韓琦范仲淹為樞密副使

以元昊請和故召還命知永興軍鄭戢代之富弼言

西寇未殄亦須藉材若二人俱來或恐闕事願召一

人使處于內一人就授副樞且令在邊表裏相濟事

無不集不聽

時元昊倚契丹邀索無厭晏殊等厭用
兵將一切從之琦力陳其不便帝嘉納

之

夏竦至京師罷之以杜衍為樞密使

初召竦諫官歐陽修蔡襄等交章論竦在陝西畏懦不肯盡力兼之挾詐任數姦邪傾險陛下孜孜政事

首用懷詐不忠之臣何以求治中丞王拱辰

字君貺開封咸

平人亦因對極論之帝未省遽起拱辰前引裾畢其說

帝乃悟會竦已至國門言者論益力乞毋令入見右正言余靖言竦累表引疾及聞召命即兼驛而馳若

不早決竦必堅求面對敘恩感泣復有左右為之地者則聖聽惑矣章累上即日詔竦歸鎮拜杜衍為樞密使竦亦自請還節鉞徙知亳州竦至毫上書萬言

自辨乃徙判并州

蔡襄言于帝曰陛下罷竦而用琦仲淹士大夫賀于朝庶民歌于路

至飲酒叫號以為歡且退一邪進一賢豈能關天下輕重哉蓋一邪退則其類退一賢進則其類進眾邪並退眾賢並進海內有不泰乎雖然臣竊憂之天下之勢譬猶病者陛下既得良醫矣信任不疑非徒愈病而又壽民醫雖良術不能盡用則病且日深雖有和扁難責效矣國子監直講石介篤學尚志樂善嫉惡喜聲名遇事奮然敢為會呂夷簡罷相章得象晏殊賈昌朝韓琦范仲淹富弼同時執政而歐陽修蔡

裴王素余靖並為諫官夏竦既拜復奪之以衍代因大喜曰此盛事也歌頌吾職其可已乎作慶曆聖德詩有曰衆賢之進如茅斯拔大姦之去如距斯脫其言大姦蓋斥竦也詩且出孫復聞之曰介禍始于此矣范仲淹亦謂韓琦曰為此鬼怪輩壞事也

自正月不雨至于是月帝禱于西太乙宮是日雨

京師久旱遣使祠禱嶽瀆羣臣請帝親禱于郊帝曰

太史言月二日當雨今將以旦日出禱王素曰臣非

太史然度是日必不雨帝問其故素對曰陛下知其

且雨而禱之應天不以誠故也帝竦然詔明日詣西

太乙宮諫官故不在屬車間時命素扈從日甚熾埃氛翳空比車駕還未薄城天大雷電而雨

呂夷簡罷

先是陝西轉運使孫沔上書言自夷簡當國黜忠言廢直道以姑息為安以避謗為智柔而易制者升為心腹姦而可使者保為羽翼是張禹不獨生于漢而李林甫復見于今也書上帝不之罪夷簡見書謂人曰元規藥石之言但恨聞此遲十年爾至是蔡襄復

言夷簡被病以來兩府大臣並笏受事于門貪尚權勢病不知止乃罷同議軍國大事未幾以太尉致仕

五月丁卯朔日食

秋七月王舉正罷八月范仲淹參知政事富弼為樞密副使

歐陽修余靖論舉正懦默不任事范仲淹有相才請罷舉正而用仲淹帝然之舉正遂罷拜仲淹參知政事仲淹曰執政可由諫官而得乎固辭不拜願與韓

琦出行邊命為陝西宣撫使未行復除參知政事同日復以樞副命弼弼猶固辭帝命宰相諭曰此朝廷特用非以使遼故也時元昊使辭帝至紫宸殿俟弼綴樞密班乃坐弼不得已受命帝方銳意太平責成輔相命弼主北事仲淹主西事

仲淹語人曰上用我至矣事有先後久安

之弊非朝夕可革也帝再賜手詔又為之開天章閣召輔臣條對仲淹退而上十事曰明黜陟抑僥倖精貢舉擇長官均公田厚農桑修武備推恩信重命令減徭役悉采用之宜著令者皆以詔書畫一頒下惟府兵法衆以為不可而止弼上當世之務十餘條及安邊十三策大約以進賢退不肖止僥倖去宿弊欲

漸易監司之不才者使澄汰所部吏于是小人始不悅矣

以韓琦為陝西宣撫使

時二府合班奏事琦必盡言雖事屬中書亦指陳其

實同列或不悅帝獨識之曰韓琦性直琦嘗條所宜

先行者七事

曰清政本念邊計擢材器備河北固河東收民心營洛邑

繼又陳救

弊八事

曰選將帥明按察豐財利遏僥倖進能吏退不才謹入官去冗食

謂數者之

舉謗必隨之願委計輔臣聽其注措帝嘉納之遂命

宣撫陝西琦討平羣盜張海郭邈山等汰禁卒羸老

朱墨標識賢否
瞭然其于考核
誠便然亦按察
之人果皆廉明
稱職方無枉徇
否則倒置混淆
其弊更有不可
究詰者且以歲
計上聞一年之
中安係公廉者

不任用者修廊延城障賑河中同華諸州饑民所活
百餘萬人

冬十月以張昱之

字景山
秘之子

王素等為都轉運按察使

先是知諫院歐陽修言天下官吏既多朝廷無由遍
知乞立按察之法于內外朝官三丞郎官中選彊幹
廉明者為之使至州縣遍見官吏其公廉無狀皆以
朱書于名之下其中材之人以墨書之歲具以聞詔
從之富弼范仲淹復請詔中書樞密通選逐路轉運

之必不改絀易
轍而中材者之
必無奮勉自效
者乎至逐路遞
擇州縣進退自
由久之將啟黨
援阿附之習尤
非良法

按察使即委使自擇知州知州擇知縣不任事者皆
罷之于是置之等首被茲選置之河北王素淮南沈

邈

字子小信
州弋陽人

京東施昌言

字正臣通
州靜海人

河東李絢

字公
素邕

州依京西

范仲淹之選
監司也取班簿視不才者一

筆勾之弼曰一筆勾之甚易焉知一家哭

矣仲淹曰一家哭何如
一路哭耶遂悉罷之

更定磨勘法

初太祖以舊制文武常參官各以曹務閑劇為月限
考滿即選非循名責實之道乃罷之淳化中置審官

三載考績朝廷
激揚大綱自當
通核其才品及
三年中之實蹟

院事具前復序進之制其後立法文臣五年武臣七年

無賊私罪始得遷秩曾犯賊罪則文臣七年武臣十

年中書樞密取旨其七階選人宋史選舉志選人官七等一曰留守節察

判官二曰節察掌書記支使防團判官三曰軍事判

官留守節察推官四曰防團軍事推官軍監判官五

曰縣令錄事參軍六曰試銜縣令知錄事以考第資

七曰軍巡判官司理司戶司法參軍簿尉

歷無過犯或有勞績者遞遷謂之循資至是用范仲

淹言定磨勘保任之法自朝官至郎中少卿須清望

官五人保任始得遷朝官三年無私罪而有監司及清望官五人為保任遷員外郎

若何以定黜陟
若視保任為權
衡轉憑一時之
毀譽安見清望
官之必可盡信
乎元瑜所云徒
長奔競而非養
廉恥誠為確論
政體常經不在
多立科條也

舉者數不足增二年遷郎中少卿
監亦如之遷太卿監諫議悉聽旨
其法始密于舊矣
後知諫院劉元瑜以為徒長奔競非所以
養廉恥罷之
劉元瑜字君玉河南人

十一月更立蔭子法

太祖初立任子之法臺省六品諸司五品登朝嘗歷
兩任然後得請太宗即位諸州進奏者授以試銜及
三班職尋特定選人七等
即上七階凡誕聖節及三年南
郊皆聽奏一人而特恩不預焉由是奏薦之恩寢廣
至是范仲淹富弼始裁省奏補入仕之路罷聖節奏

陰恩凡長子不限年諸子孫必年過十五弟姪年過十二乃得陰由是任子之恩殺矣

十二月河北雨赤雪河東地震

諫官孫甫

字之翰許州陽翟人

上疏言赤雪者赤青也人君舒緩

之應地震者陰盛也陰之象為臣為後宮為四夷盛則陰變而動矣天地災變固無虛應陛下救舒緩之失莫若自主威福時出英斷以懾姦邪救陰盛之變莫若外謹戎備內制後宮此應天之實也

甲申四年春正月帝復御經筵

自元昊反罷進講崇政殿說書趙師民

字周翰臨淄人

言帝

王治經與品庶異不獨玩空文占古語也今方外小

有事臣等即不復進見是以為先王遺籍可以講無

事之朝不足贊有為之世臣愚以為過矣又獻勸講

箴帝嘉納之于是復命曾公亮

字明仲泉州晉江人

等講讀經

史嘗謂公亮等曰卿等宿儒博學多所發明朕雖盛

暑亦未嘗倦但恐卿等勞爾

藉說書以希進見不知崇政一御其為論思納誨幾何固不若每日延見羣臣咨詢得失之實有裨益也故明末季請御經筵

者連章累牘及至接見又復無所建白則又效尤師氏而浸成習套矣

荆王元儼

太宗第八子卒

元儼廣額豐頤嚴毅不可犯天下崇憚之名聞外夷呼為八大王遼人入使必問王安及所在莊獻臨朝

自以屬尊望重恐為太后所忌深自沉晦既有疾帝

親視之屏人與語所對皆忠言至是卒

有司以年歲不利財用方

因請緩葬期范仲淹言荆王太宗愛子真宗愛弟屢被讒感陛下仁聖力能保全豈忍送葬之際惜財力而廢典禮請賜內藏庫金帛備葬事帝從之

三月詔天下州縣立學行科舉新法

時范仲淹意欲復古勸學數言興學校本行實詔近臣議於是宋祁等奏教不本於學校士不察於鄉里則不能覈名實有司束以聲病學者專於記誦則不足盡人材今莫若教士於學校然後州縣察其履行則學者修飭矣先策論則文詞者留心於治亂矣簡程式則閎博者得以馳騁問大義則執經者不專於記誦帝從之乃詔天下州縣皆立學本道使者選部屬官為教授員不足取於鄉里宿學有道業者士須在

學三百日乃聽預秋試舊嘗充試者百日而止試於
州者令相保任有匿服犯刑虧行冒名等禁三場先
策次論次詩賦通考為去取而罷帖經墨義士通經
術願對大義者試十道

宜州

唐置今廣西慶遠府是

蠻區希範

思恩人

作亂詔廣西鈐轄宋

路置總管鈐轄司掌軍馬守禦事重臣則加都字

討之

希範嘗舉進士後與其叔正辭應募討安化州

本無水州

祥符中改名故城在今慶遠府思恩縣

叛蠻自言其功求錄用知宜州

馮伸已

字齊賢
拯之子

以為妄編管全州

五季馮氏置
今屬桂林府希範

遁歸與正辭舉其族作亂推白崖山

即崖山本唐縣
宋廢為蠻獠所

據蠻蒙趕為帝偽立名號破環州

宋羈縻州故城
在今思恩縣及

鎮寧州

亦宋羈縻州
在今思恩縣

宜州捉賊

宋巡檢司有
捉賊巡檢

李德用

擊卻之

明年轉運使杜杞誘趕等擒之得希範
醢以賜諸蠻杜杞字偉長錫之子

夏四月作太學五月帝謁孔子

詔以錫慶院為太學置內舍生二百人講殿既備帝

謁孔子故事止肅揖帝特再拜賜直講孫復五品服

初胡瑗為湖州教授訓人有法科條纖悉備具以身率先雖盛暑必公服坐堂上嚴師弟子之禮從之遊者常數百人時方尚詞賦湖學獨立經義治事齋以敦實學及興太學詔下湖州取其法著為令式

元昊復遣使來上表

元昊遣使上誓表言兩失和好遂歷七年立誓自今願藏盟府凡歲賜銀綺絹茶二十五萬五千乞與常數臣不復以他相干乞頒誓詔蓋欲世世遵守永以

都城萬國具瞻
承平時亦宜繕
完以壯金湯之
勢若籌禦寇而
議修築無故張
皇轉虞示弱誠
使敵果深入臨
城則大局已潰
區區樓櫓之利
尚足恃乎琦與
仲淹之遠慮自
不若余靖數言
之中窾也

為好倘君親之義不存或臣子之心渝變當使宗祀

不永子孫罹殃帝遣使賜元昊詔曰俯閱來誓一皆

如約時韓琦自陝西還與范仲淹並對言為今之策

策又言北敵久疆今乘元昊議和其勢愈重苟不大

為之備禍未可量夫京師坦而無備若北敵一朝稱

兵深入必促河朔重兵與之力戰彼戰勝則直趨瀟

湘若京城堅固戒河朔之兵勿與戰彼不得戰欲深

入則前有堅城後有重兵必沮而自退退而邀之擊

之皆可也故修京師非徒禦寇誠以伐深入之謀諫

官余靖言王者守在四夷今無故而修京城是

舍天下之大而為嬰城自守之計遂不果行

六月開寶寺塔火

余靖上疏言五行之占本是災變宜戒懼以答天意而聞有詔取舊廕舍利入禁中竊恐巧佞之人推為靈異再圖營造廣事浮費以奉佛求福非天下所望也且一塔不能自衛為火所燬况藉其福以庇于民哉

以范仲淹為陝西河東宣撫使

初仲淹以忤呂夷簡放逐者數年及陝西用兵帝以其士望所屬拔用護邊及夷簡罷召還倚以為治中

外想望其功業仲淹亦以天下為己任與富弼日夜
謀慮興致太平然更張無漸規模濶大論者籍籍及
按察使出多所舉勘衆心不悅任子之恩薄磨勘之
法密僥倖者不便由是謗毀稍行先是石介奏記于
弼責以行伊周之事夏竦怨介又欲因以傾弼等乃
使女奴陰習介書久之習成遂改伊周曰伊霍且偽
作介為弼撰廢立詔草飛語上聞帝雖不信而弼與
仲淹恐懼不自安遠聞契丹伐夏遂請行邊

京師旱蝗

上謂輔臣曰方歲旱而飛蝗百姓何罪罹此默禱上帝願歸咎朕躬余靖等言災異之來實由人事關失今陛下既有引過之言達於天地神祇伏乞必踐其言必行其實專聽斷攬威權號令信於人恩澤及於下則災異消和氣應矣

契丹初修國史

命耶律古裕

六院部人舊作谷欲今改

耶律庶成

李父房之後

等充史官

秋七月大封宗室

先是富弼言北庭率以近親為名王將相以治國事掌兵柄今歲荆王之薨識者憂之臣願陛下擇宗室中賢者數人封之內以藩屏王室外以威示四夷帝

用其謀同時封王公者凡十人

秦王廷美子德文為東平王潤王元份子

允讓為汝南王燕王德昭孫從藹為潁國公岐王德芳孫從照為安國公又有德昭孫守異與從藹同封

餘無者

潤王即商王改封

契丹來告伐夏八月遣右正言余靖報之

契丹與宋久踐和議元昊則宋

之叛臣是宋與遼當以誠信相孚于夏斷無修好之理況遼因党項叛降欲加兵于夏情事更無可疑而藉北邊以討西夏幸其成則可坐收弭敵之利即或不然亦可使兩國構怨以杜其緣附之萌如此機會豈可易得乃游移不定浸至元昊降附契

先是元昊侵党項党項諸部皆叛契丹降夏契丹伐党項夏人救之至是契丹主徵諸道兵將討元昊遣使來告曰請為中國討賊慎無與和也時朝廷欲加元昊封冊而契丹之使適至帝疑契丹與元昊同謀見欺召羣臣議之富弼言契丹實有怨于元昊耳保無他也余靖言契丹挾詐不可輕許乃命靖致贐禮且覘其誠否而留夏國封冊不發

以富弼為河北宣撫使

丹勢並聯絡而不可制亦失計之甚矣

從弼請也弼及范仲淹既去石介不自安亦請外得濮州通判

九月許公呂夷簡卒

諡文靖

莊獻太后臨朝十餘年間天下晏然夷簡之力為多及西夏用師契丹求地夷簡選將命使二邊以寧獨建募萬勝軍禁軍也慶厯元年置凡二十營加契丹歲幣大為後日之患又成郭后之廢逐孔道輔范仲淹于外時論少之然所斥士旋復收用亦不終廢其於天下事屈伸

舒卷動有操術故當國最久雖數為言者所誡而帝
眷倚不衰

晏殊罷

殊平居好賢及為相務進人材擢歐陽修為諫官既
而苦其論事煩數或面折之至是修出為河北都轉
運使諫官奏留殊獨不許孫復蔡襄因上言殊為李
宸妃碑不言主帝又役官兵治僦舍以規利乃降授工
部尚書出知潁州

以杜衍同平章事兼樞密使賈昌朝為樞密使陳執中
參知政事

衍務裁僥倖每有內降率寢格不行積詔旨至十數
輒納帝前帝嘗語歐陽修曰外人知杜衍封還內降
邪凡有求於朕每以衍不可告之而止者多于所還
也執中自知青州召還諫官蔡襄孫甫等爭言執中
剛愎不學若任以政天下不幸帝不聽諫官論不止
乃命中使齎勅告即青州賜之明日諫官上殿帝作

色迎謂之曰豈非論陳執中耶朕已召之矣乃不敢言

契丹伐夏冬十月夏人誘而敗之契丹及夏平

契丹主親將騎兵十萬出金肅城

遼西京有金肅州故城在今鄂爾多

斯左翼廢勝州東北

遣弟重元出南路樞密使蕭惠出北路三

路濟河入夏境不見敵據德勝寺南壁以待惠與元
昊戰于賀蘭山北敗之元昊見契丹兵盛乃請和退
師十里請收叛黨以獻且進方物契丹主遣樞密副

使蕭革

字和斯濟勒國舅房林牙華善之子按和期濟勒舊作胡奚董華善舊作和尚今並改

詰其納叛背盟之故元昊以未得成言又退師三十里以候凡三退將百里每退必赭其地契丹馬無所食因許和元昊乃遷延以老之度其馬飢士疲因縱兵急攻惠營敗之乘勝攻南壁契丹主大敗從數騎走得免已而元昊遣使歸其先所俘獲契丹主亦遣所留夏使還之遂引兵還

十一月契丹以雲州為西京

契丹建西京于雲州號大同府于是契丹境內凡五

京

上京中京東京南京西京

六府

上京曰臨潢東京曰遼陽中京曰大定興中南京曰析津西京

曰大同

即慕容氏龍城注見前

州軍城百五十六

考遼史地理志序遼

有京五府六州軍城百五十有六續綱目誤作
五京六州軍城百五十六今改正并注明六府縣二

百九部族五千屬國六十東至於海西至於金山

注見

前暨于流沙北至臚朐河

今名克嚕倫河源出喀爾喀肯特山流亘大漠之北

下流與黑龍江合

南至白溝幅員萬里

十二月冊元昊為夏國主

余靖使還知契丹已與夏和帝乃遣尚書員外郎張子奭充冊禮使冊元昊為夏國主仍賜對衣黃金帶銀鞍勒馬銀二萬兩絹二萬匹茶三萬斤約稱臣奉正朔改所賜敕書為詔而不名許自置官屬然元昊帝其國中自若也

知環州种世衡卒

世衡善撫士卒得人死力在邊數年積穀通貨所至不煩州縣官益兵增饋而武功自振夏戎不敢以環

為意及卒青澗及環人皆畫像祠之

乙酉

五年春正月罷杜衍仲淹富弼以賈昌朝同平章事兼樞密使宋庠參知政事王貽永為樞密使吳育龐籍為副使

仲淹弼既出宣撫攻者益衆二人在朝所為亦稍沮止衍獨左右之衍好薦引賢士而抑僥倖羣小咸怨衍壻蘇舜欽能文章論議稍侵權貴時監進奏院用鬻故紙錢祠神以妓樂娛賓集賢校理王益柔

字勝之曙

之子于席上戲作傲歌御史中丞王拱辰聞之以二人

皆仲淹所薦而舜欽又衍壻欲因是傾衍及仲淹乃

諷御史魚周詢

字裕之
雍邱人

劉元瑜舉劾其事拱辰及張

方平列狀請誅益柔章得象無所可否賈昌朝陰主
之韓琦言於帝曰益柔狂語何深計方平等皆陛下
近臣今西陲用兵大事何限俱不為陛下論列而同
狀攻一王益柔此其意可見矣帝感悟乃止黜益柔

監復州

注見前

酒稅而除舜欽名同席被斥者十餘人

廉公舉飲又以
與不與為榮辱
當日所謂名士
本堪憎鄙且挾
故傲歌蕩然開
檢之外尤不為
無罪特拱辰輩
之劫治徒藉以
快私忿而株累
大臣並非為名
教官箴起見宜
為君子所譏耳

時同斥者右班殿直劉巽判尚書刑部江休復在召
中而辭不往者何中立欲與會而以任子擯之者李
定舜欽之斥中立與定所為也餘無攷江休復字
鄰幾陳留人何中立字公南許州人李定字仲求洪

州人晏

殊之甥皆知名之士拱辰喜曰吾一舉網盡矣舜欽

既得罪

舜欽被廢居蘇州買水石作滄浪亭以自適後遷湖州長史卒

衍不自安求

去不許會諫官錢明逸

字子飛故吳越王侔之孫

論仲淹弼更張

綱紀紛擾國經凡所推薦多挾朋黨陳執中復譖衍

庇二人帝不悅遂并黜之衍罷知兗州仲淹知邠州

仲淹以疾求解
遷任改鄧州

弼知鄆州衍清介有大節其去也君

子惜之

三月罷樞密副使韓琦

范仲淹富弼罷去琦不能獨居上疏辨析且言近日

臣僚多務攻擊忠良取快私忿不報初陝西四路總

管鄭戩遣靜邊砦

在今延安府保安縣西南

主劉滬

字子潯保州人

著作

佐郎董士廉

常山人

城水洛

注見前

以通秦渭援兵知渭

洛水之役既由
秦罷劉滬故違
成命罰所宜加
尹洙誠劾其罪
而純之以法誰
得議其非者乃
率意徇行不復
察承中旨遽爾

州尹洙以為前此屢困於賊者正由城砦多而兵勢
分也今又益城不可奏罷其役會戩罷而滬等督役

代之械之誠不免涉于專擅滬固失之洙亦未為得也乃朝議意存左祖竟釋滬而徙洙又豈所以昭平允

如故洙不平以張忠

考宋史同時有兩張忠俱開封人一字聖毗歷官齊滄瀘三州

團練卒一不著其字曾為陝西總管指揮使洙以代滬者或即是其人而本傳不詳其事代之滬

不受代洙乃諭裨將狄青往械滬及士廉下吏而罷

水浴之役戢論奏不已琦是洙而朝議右戢竟徙洙

知慶州釋滬等獄而復城水洛琦乃請外遂出知揚

州河東轉運使歐陽修上疏曰杜衍范仲淹韓琦富弼天下皆知其有可用之賢而不聞其有可罷之

罪自古小人讒害其識不遠欲廣陷良善則指為朋黨欲動搖大臣則誣以專權蓋去一善人而眾善人

尚在則未為小人之利欲盡去之則善人少過惟指為朋黨則可盡逐自古大臣被主知蒙信任則難以

他事動搖惟有專權是上之所惡方可傾之夫正士
在朝羣邪所忌謀臣不用敵國之福也竊為陛下惜
之羣邪並忌修因傳致修罪左遷知滁州洙博學有
識度以為自唐以來文品卑弱至柳開始為古文而
世未知宗尚乃與穆修復振起之為文簡而有法元
昊反洙亦嘗在兵間故於西事尤為練習忌者誣以
假用公錢坐貶未幾卒柳開字
仲塗大名人穆修字伯長鄆州人

罷科舉新法

范仲淹既去磨勘蔭子法俱罷執政以新定科舉入
學預試為不便且言詩賦聲病易考而策論汗漫難
知祖宗以來莫之有改且得人嘗多矣帝下其議有

司請如舊法乃詔前所更令悉罷之

夏四月丁亥朔日食

是日陰晦不見羣臣皆賀

章得象罷

得象在中書畏遠名勢宗黨親戚一切抑而不進然亦無所建明御史孫抗數論之得象乃上章求去遂出知陳州

以陳執中同平章事兼樞密使吳育參知政事丁度

字公

雅祥
符人為樞密副使

未幾執中與賈昌朝言西夏來庭乞免兼樞密使從之

冬十月罷轉運兼按察使

十一月罷京東安撫使富弼

滁州狂人孔直溫謀反伏誅搜其家得石介書時介已死宣徽南院使夏竦怨介嘗譏已言介詐死乃弼遣介結契丹起兵期以一路兵為內應請發介棺驗

之詔下兗州訪介存亡杜衍保介必死

衍會問掾屬掌書記龔鼎

臣願以闔門證其死衍探懷出奏稿示之

日吾已保介矣龔鼎臣字輔之須城人

提刑呂居

簡

蒙正第六子

亦上言無故發棺何以示後始獲免遂罷

弼安撫使貶孫復監度州稅介子孫羈管池州

丙戌

六年春三月辛巳朔日食

帝謂賈昌朝等曰謫見於天願罪朕躬卿等宜究民疾苦思所以安利之又曰人主懼天而修德猶人臣奉法而自新也昌朝等頓首謝

夏五月京師雨雹河北河東京東同時地震

登萊州尤甚

先是青州震已而登州屢震海底輒有聲如雷

秋八月以吳育為樞密副使丁度參知政事

育在政府遇事敢言時知永靜軍

今河間府東光縣宋於此置永靜軍

何綬疑通判江中立譖已因誣以罪迫令自殺育欲

坐綬死賈昌朝不可遂爭議帝前殿中皆失色育論

辨不已曰臣所辨者職也顧力不勝願罷臣職知審

刑院高若訥附昌朝議綬竟減死一等帝以昌朝故

仁宗嘗諭昌朝以畏法自新其過惡錄已洞察況素知吳育剛正尤當曲予保全乃轉徙官以避昌朝是非例置矣至高若訥身為刑官既附時宰以脫何綬殺人之罪及在臺端復逞私意

以糾吳育喧爭
之非甘為小人
而不顧可恥孰
甚焉

乃命育與度易位謂近臣曰吳育剛正可用第嫉惡
太過耳

丁亥七年春二月大旱詔求直言

三月賈昌朝吳育罷

昌朝育議不協論者多不直昌朝時方憫雨昌朝引
漢冊免三公故事乞罷御史中丞高若訥上言大臣
喧爭為不肅故雨不時若于是昌朝出判大名育出
知許州

以夏竦同平章事尋改授樞密使以文彥博參知政事
高若訥為樞密副使

竦制下諫官御史交章言大臣和則政事修竦前在
關中與首相陳執中論議不合今不可使共事故改
之

帝禱于西太乙宮是日雨

帝出禱雨于太乙宮日方炎赫帝卻蓋不御及還而
雨大決

冬十一月貝州卒王則據城反以明鎬為河北安撫使
初涿人王則以歲飢流至貝州自賣為人牧羊後隸
宣毅軍為小校貝冀俗尚妖幻相與習五龍滴淚等
經及諸圖讖書言釋迦佛衰謝彌勒佛當持世妖人
爭信事之州吏張繼卜吉主其謀黨與連德齊諸州
約以明年正旦斷澶州浮梁作亂會其黨以書謁北
京留守賈昌朝事覺被執則故不待期亟以冬至日
反時知州張得一方與官屬謁天慶觀則率其徒刳

庫兵執得一囚之從通判董元亨

深州東鹿人

索庫鑰元

亨厲聲罵賊賊遂殺之又殺司理王獎節度判官李

浩等兵馬都監田斌以從卒巷戰不勝而出城扉闔

提點刑獄田京

字簡之毫州鹿邑人

等縋城出保南關入驍健

營換士卒凡有欲應賊者京以計盡誅之由是營兵

在外者皆懾服南關得不陷

時有北京指使馮遂聞則反告留守賈昌朝請

討賊昌朝令持榜入貝州招降諭以禍福則不荅遂奮起扼其喉毆之而左右無助之者遂為賊所殺事

聞贈官苑使馬遂開封人

則僭稱東平王建國曰安陽改元得

王則亂民使其
乞降求生尚無
可貸昌朝身為
留守不能即時
勦滅乃使持榜
招降馬遂甚矣

指使捐軀賊巢
實由昌朝所致
賊平而反晉封
公爵刑賞之公
安在乎

聖旗幟號令率以佛為稱城以一樓為一州書州名
補其徒為知州每面置一總管然縋城下者日衆于
是令民伍伍為保一人縋餘悉斬事聞以知開封府
明鎬為體量安撫使而詔貝州有能獲賊者授諸衛
上將軍鎬至貝州民汪文慶等自城上繫書射鎬帳
約為內應夜垂絙以引官軍入城者數百人賊覺率
衆拒戰官軍不利乃與文慶等復縋而出

先是知制誥胡宿以

登萊地震因言必有內盜起于河朔宜為之備登萊
視京師為東北少陽之位也今二州並置今坑聚民

以鑿山谷陽氣損洩故陰乘而動可即禁止以寧地道至是其言始驗
胡宿字武平常州晉陵人

太子太傅致仕李迪卒

諡文定

戊子八年春正月以文彥博為河北宣撫使明鎬副之

閏月執王則檻送京師誅之以文彥博同平章事

鎬以貝州城峻不可攻乃為巨闔將成為賊所焚鎬乃即南城為地道日攻其北以牽制之朝廷以則未下命彥博宣撫鎬為之副夏竦惡鎬恐其成功凡鎬所奏輒從中阻之彥博既受命請軍事得專行許之

彥博至貝鎬穿道遶通遂選壯士夜半由地道入城

衆登城賊縱火牛官軍以槍中牛鼻牛還攻之賊大

潰開東門遁總管王信

字公亮太原人

追則擒之餘衆保村

舍者皆被焚死竦復言所獲恐非真盜乃詔檻送則

京師磔于市則據城凡六十六日而敗改貝州為恩

州張得一以降賊伏誅詔以彥博同平章事加明鎬

端明殿學士封賈昌朝為安國公

侍讀學士楊偕言賊發昌朝部至出

大臣乃能平昌朝為有罪不當賞弗聽

夏元昊卒

元昊卒子諒祚

小字寧令格舊作寧令哥今改

方期歲密藏

舊作沒藏今改

氏所生也

夏國語謂歡嘉為寧令而崧河名也密藏氏從元昊出獵至此生諒祚遂名焉

于母族鄂博

舊作訖麗今改

鄂博因立之以三大將分治國

政

考東都事畧元昊凡七娶其五娶曰野利氏雅奇妹也生子曰寧寧格立為太子已而雅奇被誅元

昊得其妻密藏氏與私通野利氏出之為尼會元昊欲納馮伊克氏為寧寧格妻見其美自取之寧寧格

憤而殺元昊不死剗其鼻而去匿黃廬為密藏氏之兄鄂博所殺元昊遂因鼻創而死方密藏氏之為尼

也已有娠元昊既死而生子是為諒祚鄂博遂立之以密藏氏為太后此所載與宋史不同李燾長編因

之續綱目節錄數語於園外以示存疑今據東都事
畧云云密藏氏既已斥出為尼其生子又在元昊死
後鄂博擁立夏國將相豈無一人異議其說恐不足
信今仍以宋史為斷而附注於此
按寧寧格舊作
寧寧歌瑪伊克舊
作沒哆今並改正

衛士作亂伏誅

帝將以閏月望夕復張燈皇后諫止之越三日親從
官顏秀等四人謀為亂夜入禁中越屋叩寢殿皇后
方侍帝聞變遽起帝欲出后閉閣擁持趨召都知王
守忠使引卒入衛賊傷宮嬪殿下聲徹帝所宦者以

觀此所載仁宗曾一后之不如直是無丈夫氣但所云剪髮微賞豈能盡識其人然者將自剪髮以邀功且不數月而以張吳人為有扈蹕功更謂賊本起皇後關以前後相形而論則紀事之不實多誣概可知矣

乳嫗毆小女子給奏后叱之曰賊在近殺人敢妄言
耶陰遣人挈水踵後賊果舉炬焚簾水隨滅之是夕
所遣官侍后皆親剪其髮曰以是微賞故爭盡死力
守忠兵至賊就擒滅詔領皇城司者皆坐斥事連副
都知楊懷敏夏竦與懷敏相結欲曲庇之乃請御史
與宦官同鞠於禁中丁度曰宿衛有變事關社稷請
付外臺窮治因爭于帝前帝從竦議由是懷敏止降
官領內職如故

三月詔羣臣言時政闕失

帝幸龍圖天章閣以手詔問輔臣及御史中丞以上
時政闕失皆給筆札令即坐以對時陳執中不學少
文固辭不對宋庠亦請至中書合議條奏乃聽兩府
歸而上之翰林學士張方平方鎖院草制夜半與所
條對俱上言汰冗兵退剩員慎磨勘擇將帥四事帝
覽奏驚異詰旦更賜手札問詔所不及者方平復上
備邊恤刑二事又言比來朝廷頗引輕險之人內為

言官外為按察多發人曖昧之事天下承風靡然一變故將相以至卿大夫士一動一為輒曰恐致人言苟且因循求免謗咎何暇展布四體為國立事哉殿時

中侍御史何鄭言國家設侍從之官自學士至待制公卿之才並由此出自頃相承惟以文翰待之而不責其言議臣下亦以職分當爾自安循默以天下利害之大備言責者惟御史諫官十人而欲陛下聰明無所遺政理無所失不可得矣乞諭兩制臣僚自今間朝政闕失並許論列御史中丞魚周詢言近西陲備禦天下繹騷日費千金生靈重困今元昊幼子新立乃朝廷寬財用恤民力之時速宜經度以紓匱乏願委安撫使與守邊掌記臣僚裁減冗兵節抑浮費又言仕進多門滋長奔競糜費廩祿願特詔進士解

西夏寇邊宋不能致討及有隙可乘又復坐失事機不振實甚程琳之言止可施於無釁之屬國而非所論於叛臣使拘泥而不知變通則傳所稱兼弱攻昧

禍無今過多流外奏補宜暫停止又請擇牧守選將帥斥貧殘汰庸駑凡千有餘言帝以執政及近臣對多疎濶特嘉周詢詳敏何郯字聖從成都人

夏四月冊諒祚為夏國主

夏遣使來告哀朝廷及契丹皆遣使慰奠議者請因諒祚幼弱毋族專國以節鉞啖其三大將使各有所部分以披其勢可以得志陝西安撫使程琳曰幸人之喪非所以柔遠人不如因而撫之帝乃遣使冊諒祚為夏國主議者深惜朝廷之失機會

非武之善經矣
宋代迂儒每藉
此以文其怯懦
程琳武夫何亦
為此委靡之見
耶

罷丁度為觀文殿學士以明鎬參知政事

度以與夏竦議事不合求解政事乃置觀文殿學士
以授之度性淳質在翰林十五年數論天下事未嘗
及私帝雅重之文彥博數推鎬貝州之功且薦其才
可大用帝遂以代度

未幾鎬卒

五月無雲而震夏竦免以宋庠為樞密使龐籍參知政
事

何郯論竦姦邪不可任樞要會京師一日無雲而震

者五帝方坐便殿趣召翰林學士張方平至謂曰夏竦姦邪以致天變如此宜免之乃出知河南

冬十二月以美人張氏為貴妃

初衛士之變帝以美人有扈蹕功夏竦建議欲尊之

同知諫院王贇

字至之廬陵太和人

因言賊本起皇后閣前請

究其事冀動搖中宮陰為美人地上以問御史何郯

郯曰此姦人之謀不可不察上悟事遂寢然美人卒

以功進貴妃

巳皇祐元年春正月甲午朔日食

二月彗星見

夏五月加知青州富弼禮部侍郎辭不受

先是河北京東大水民流就食青州富弼勸所部民出粟益以官廩得公私廬舍十餘萬區散處其人以便薪水官吏自前資待缺寄居者皆給其祿使即民所聚選老弱病瘠者廩之仍書其勞約他日為奏請受賞率五日輒遣人持酒肉飯糗慰藉出于至誠人

人為盡力山林陂澤之利可資以生者聽民擅取死者為大冢葬之目曰叢冢及麥大熟民各以遠近受糧而歸凡活五十餘萬人募為兵者萬計前此救災者皆聚民城郭中為粥食之蒸民疾疫及相蹈藉或待哺數日不得粥而仆自粥立法簡便周盡天下傳以為武帝間遣使褒勞加拜禮部侍郎弼曰救災守臣職也固辭不受

秋八月陳執中罷以宋庠同平章事高若訥參知政事

龐籍為樞密使梁適為副使

執中居位無所建明但延接卜相術士言者屢攻之
遂以足疾求罷出知陳州庠初執政遇事輒分別可
否及再登用遂浮沉自安然天資忠厚嘗曰逆詐恃
明殘人矜才吾終身不為也

汰諸路兵

文彥博龐籍建議省兵衆以為不可帝以為疑彥博
籍共奏曰公私困竭正坐冗兵果有患臣請死之帝

意遂決于是簡汰陝西及河北諸路羸兵為民者六萬
減廩糧之半者二萬又詔減陝西兵屯內地以省邊費

九月廣源州

宋羈縻州地在今安南國諒山府東北

蠻儂智高反寇邕州

儂氏自唐初即雄于西原

注見前

世為廣源州首領唐末

交趾強盛廣源服屬之知儂猶州

蠻州與下安德州儂俱與廣源州接界

全福為交人所殺其妻改適商人生智高冒姓儂氏既

壯與其母據儂猶州交人攻而執之釋其罪使知廣源

州智高怨交趾乃乘間襲據安德州潛稱南天國改元

景瑞因招納亡命貢獻中國求內附朝廷不許復奉金
函書以請亦不報智高怒與廣州進士黃師宓等謀據
廣南乃數出敝衣易穀食紿言洞中飢饉部落離散知
邕州陳珙信之不設備智高忽一夕縱火焚其居因紿
衆曰平生積聚今為天火所焚生計窮矣當取邕廣以
自王否則兵死衆從之遂率衆五千沿江即廣西南寧府之左江源
出廣東下攻邕州橫江砦當作橫山本唐縣宋改砦在今南寧府宣化縣東橫山上
守將張日新等戰死詔江南福建等路發兵備之

罷武舉

冬十月契丹伐夏執諒祚之母以歸

先是契丹主伐夏北院樞密使蕭惠帥師自河南進
戰艦糧艘綿亘數百里既入敵境偵候不遠鎧甲載
于車軍士不得乘馬諸將請備不虞惠曰諒祚必自
迎車駕何暇及我無故設備徒自弊耳契丹主聞夏
人已遁而還惠師尚進未立營柵夏人奄至士卒皆
不及甲而走死傷不可勝數至是北道行軍都統耶

律達嚕噶舊作敵魯率兵至賀蘭山獲諒祚母及官

僚官属以歸明年契丹復伐夏夏兩遣使于契丹乞依舊稱藩契丹主遣都監蕭雅噶等使

而求唐隆鎮乞罷所建城邑契丹主不許置諒祚母

属于薊州按雅噶舊作叉括今改正

庚寅 二年秋九月大享天地于明堂赦

自太祖以來未嘗親享明堂惟命有司攝事是歲帝

以大慶殿為明堂仍詔有司詳定儀注于是新作禮

神玉玉通鑑誤作主製樂八曲五音一曲奏祖用之二變七律一曲飲福

用之七律相生一曲退文舞迎武舞及亞獻終獻徹
豆用之又酌獻五帝隨月用律各從其音為五曲
二變變宮變徵也月律正月大簇為青帝四月仲呂
為赤帝六月林鍾為黃帝七月夷則為白帝十月應
鍾為黑帝九月朝享景靈宮又享太廟乃大享天地于明

堂以太祖太宗真宗配儀如園丘大赦百官皆進秩

冬十一月詔外戚毋得任二府

時張貴妃寵冠後庭堯佐

字希元

其伯父也驟除宣徽

節度景靈羣牧四使殿中侍御史唐介

字子方荆南人與知

諫院包拯

字希仁廬州合肥人

吳奎

字文長濰州北海人

等力爭之中丞

王舉正又留百官班廷論故有是詔且罷堯佐宣徽
景靈二使

閏月詔更定雅樂

先是帝以大享明堂召近臣同閱雅樂至是言者以
鑄鐘特磬未協音律詔令鄧保信阮逸盧昭序同太
常檢詳典禮別行鑄造太常薦太子中舍致仕胡瑗
詔同定鐘磬制度又下詔中書門下集兩制太常官
置局于秘閣詳定大樂王堯臣薦天章閣待制趙師

民博古今願同詳定尋又詔議定樂名王堯臣等奏

宜名大安從之

時田況宋祁薦益州鄉貢進士房庶
晚音律召詣闕自言嘗得古本漢志

云度起於黃鍾之長以子穀秬黍中者一黍之起積
一千二百黍之廣度之九十分黃鍾之長一為一分
今文脫之起積一千二百黍八字故自前世以來累
黍為尺以制律是律生於尺非起于黃鍾也蓋漢一
為一分者九十分之一後誤以一黍為一分其法非
是當以秬黍中者一千二百實管中黍盡得九十分
為黃鍾之長九寸加一以為尺則律定矣直秘閣范
鎮是其說而胡瑗等制樂已定故授庶校書郎而遣
之惟集賢校理司馬光不以鎮言為是數與論辨然
世鮮鍾律之學竟不能決田況字元均冀州信都
人范鎮字景仁華陽人司馬光字伯康涇州人
馬光字君實陝州夏縣人後三年知制誥王洙

字原叔

臣之叔言黃鍾為宮最尊者但聲有尊卑不在形體之

大小若隨律長短為鍾大小之制則減至應鍾比黃
鍾纔四分之一又九月十月以無射應鍾為宮即黃
鍾大呂反為商聲宮小而商大是君弱臣強之象今
參酌鑄鍾特磬制度欲且各依律數算定長短大小
容受之數仍以景祐中黍尺

胡瑗以橫黍累尺事具前

為法鑄大

呂應鍾鍾磬各一即見形制聲韻所歸奏可翰林學
士承旨王拱辰復言黃鍾為諸律之首蓋君德之象

雅樂務諧律呂
新舊殊制常新
表于是以用之
協和神人豈可

不可並也今十二鍾磬一以黃鐘為率與古為異請

更詳定知諫院李兌

字子西
臨潁人

言竊聞崇文院聚議王

拱辰欲更前史之義王洙不從議論宣嘖夫樂之道

廣大微眇非知音入神豈能輕定且阮逸罪廢之人

務其異說欲規恩賞朝廷制樂當國財匱乏時煩費

甚廣器既成矣又欲改為雖命兩府大臣監議未能

裁定當請以新成鍾磬與祖宗舊樂參校其聲但取

偕和近雅者用之于是詔南郊仍用舊樂其新定大

使有同異乃于
南郊用舊常祀
則會用新其何
以示同和而昭
一律哉

安之樂常祀及朝會用之

初王朴所制編鍾皆側垂李熙與胡瑗皆非之又太

常藏古編鍾其聲與朴鍾夷則清聲合而其形側垂後至和二年瑗改鑄正其鈕使下垂叩之翕鬱而不揚其鑄鍾又長甬而震掉聲不和著作佐郎劉義叟曰此與周景王無射鍾無異上將有眩惑之疾其明年正月帝暴感風眩人以其言為驗劉義叟字仲更澤州晉城人

辛卯

三年春正月帝幸魏國大長公主

太宗女第

公主幼不好美貌類太宗下嫁李遵勗

字公武上黨人繼昌子

賓客皆一時賢士大夫每燕集主必親視饗餼之節莊獻太后嘗賜金龍小冠辭不敢服太后訪以政事

多語祖宗舊事以諷導勗守許州暴得疾主亟欲往
視不待奏而行從者纔五六人居其喪哀麻未嘗去
身服除不復御鮮華嘗燕禁中帝親為簪花主辭曰
自誓不復為此久矣未幾病目帝自臨視親舐主目
左右感泣帝亦悲慟問子孫所欲主曰豈可以母疾
而邀賞也賚白金三千兩不受至是以暴疾聞帝促
駕往視未至而主卒乃即主堂易服奠哭

謚主曰
獻穆

三月宋庠免以劉沆

字冲之吉
州永新人

參知政事

時有偽造勅牒者庠弟祁之子與遊事覺包拯等言
庠不戢子弟且在政府無所建明庠遂求去出知河
南府

夏六月詔州郡勿獻瑞物

知無為軍茹孝標獻芝草帝曰朕以豐年為瑞賢臣
為寶草木之異焉足尚哉免孝標罪而戒州郡勿復
獻

秋八月京東淮浙饑

諫官吳奎言近歲以來水不潤下盜賊橫起皆陰盛所致今朝廷之過在乎因循中外臣寮建一策舉一官雖有可取皆抑而不行又從而媒孽謂之生事如兩河盜賊行路之人皆已傳布而大臣不以為事至執殺官吏然後倉皇移易官守不亦晚乎事將有大於此者幸陛下留意

冬十月以張堯佐為宣徽南院使貶殿中侍御史裏行

唐介為英州

注見前

別駕文彥博免

堯佐復除宣徽使知河陽命下介謂同列曰是欲與
宣徽而假河陽為名耳獨抗言之帝謂曰除擬本出
中書介遂劾文彥博知益州日造間金竒錦緣閣寺
通官掖以得執政今顯用堯佐益自固結請罷之而
相富弼語甚切直帝怒卻其奏不視且曰將遠竄介
徐讀疏畢曰臣忠憤所激鼎鑊不避何辭于謫帝急
召執政示之曰介論事是其職至以彥博由妃嬪致
宰相此何言也進用冢司豈應得預而乃薦弼時彥

博在帝前介責之曰彥博宜自省即有之不可隱彥博拜謝不已帝益怒梁適叱介使下殿修起居注蔡襄趣進救之貶春州別駕王舉正言其太重帝亦悟明日取其疏入改英州而罷彥博知許州吳奎亦以介黨出知密州帝慮介或道死有殺直臣名命中使護之由是介直聲聞天下然彥博事之有無卒莫能辨

夏竦卒以龐籍同平章事高若訥為樞密使梁適參知

政事王堯臣為樞密副使

竦卒賜謚文正同知禮院司馬光言謚之美者極于

文正竦何人乃得此謚判考功劉敞

字原父
新喻人

言謚者

有司之事竦姦邪而謚之以正不應法且侵臣官詔

更謚文莊

壬辰

四年夏五月資政殿學士汝南公范仲淹卒

謚文正

仲淹生平勵志聖賢之學嘗自誦曰士當先天下之憂而憂後天下之樂而樂其為政忠厚所至有恩邇

興造以贖貧民
寓賑於工實可
補周官荒政所
未及至遊宴湖
山使民有所仰
食雖亦分有餘
以濟不足然時
常飢饉間閭升
斗惟艱又復飲
食嬉遊以耗穀
則市糴益將騰
踊且仲淹稱先
憂後樂者目對
鵝形鵝面之人

慶二州之民與屬羗皆畫像立生祠其卒也哀號如

父

仲淹在朝嘗上言曰與陛下共理天下者惟守宰
最要比年以來不知選擇一切以例除之其間良

吏百無一二使天下賦稅不得均獄訟不得平水旱
不得救盜賊不得除救之之術莫若守宰得人則政

舉矣其知杭州也值歲飢仲淹日出宴于湖山縱民
競渡諭諸寺僧造殿宇又新倉廩吏舍日役千夫監

司勅奏杭州不恤荒政仲淹言所以遊宴興造者正
欲發有餘之財以惠貧者使工技貿易之人皆得仰

食于公私荒政之施莫此為大既
而兩浙惟杭州晏然遂著為令

儂智高陷邕橫諸州

橫州唐置今屬南寧府

遂圍廣州詔鈴轄陳

曙等發兵討之

欽定四庫全書

御批歷代通鑑輯覽

卷三

而要娛自適亦
何以為情不若
富弼之賑恤青
州良法可脩也

智高攻陷邕州執知州陳珙等欲任司戶孔宗旦魯人

以事宗旦不屈遂遇害都監張立亦罵賊死智高即州建大南

國自稱仁惠皇帝置官屬時天下久安廣南州郡無

備智高所向守臣輒棄城走遂陷橫貴藤今廣西梧州府藤縣

梧康今廣東肇慶府平康州端龔今廣西潯州府平南縣封興貴梧端八注俱見前

州知封州曹覲字仲賓建安人知康州趙師旦字潛叔宣城人皆戰

死智高進圍廣州知州魏瓘力戰禦之知英州蘇緘

字宜父泉州晉江人蒐募壯勇合數千人赴援扼賊歸路得黃

師宓父斬之以徇而轉運王罕亦自外至募民兵益
修守備城得不陷事聞命陳曙討之又以余靖為廣
西安撫使同提刑李樞及曙經制賊盜事復以楊畋
字樂道崇
勳曾孫體量安撫廣南發廣東鈐轄兵赴之
以狄青為樞密副使

初尹洙與青談兵善之薦於韓琦范仲淹曰此良將
材也二人待之甚厚仲淹授以左氏春秋且曰將不
知古今匹夫勇耳青由是折節讀書悉通秦漢以來

將帥兵法累進馬軍副都指揮使青超行伍十餘年而顯貴面涅猶存帝嘗勅青傳藥除之青指其面曰陛下以功擢臣不問門地臣所以有今日由此涅耳臣願留以勸軍中不敢奉詔帝益重之至是自知延州召拜副使臺諫王舉正等諫其不可帝不聽

秋七月儂智高陷昭州九月以孫沔為廣南安撫使初以沔知秦州入見帝以秦事勉之對曰秦州不足煩聖慮陛下當以嶺南為憂臣觀賊勢方張官軍朝

夕當有敗奏既而昭州鈐轄張忠

注見前

以擊賊敗沒

事聞帝乃除沔湖南江西安撫使沔請發騎兵求武庫精甲梁達折沔曰毋張皇沔曰前日惟亡備故至此今乃欲示鎮靜耶夫實備不至而貌為鎮靜危亡之道也乃與兵七百人沔憂賊度嶺而北乃檄湖南江西曰大兵且至其繕治營壘多具燕犒賊疑不敢北侵行至鼎州

本朗州祥符中改名後升常德府今府屬湖南

加廣南安撫

使

以狄青為荆湖宣撫使督諸軍討儂智高

智高寇擾日甚嶺外騷動楊畋等久無功帝以為憂
智高移書行營求邕桂節度使帝將受其降梁遠曰
若爾則嶺表非朝廷有矣會狄青上表請行遂以為
宣撫使提舉廣南經制盜賊事青入對自言曰臣起
行伍非戰伐無以報國願得蕃落數百騎益以禁兵
羈賊首致闕下帝壯其言時命入內都知任守忠為
青副知諫院李兌言唐失其政以官者觀軍容致主

將掣肘是不足法遂罷守忠諫官韓絳

字子華億復第三子

言青武人不宜專任帝以問龐籍力贊青可用且言號令不專不如不遣乃詔嶺南諸軍皆受青節度

以范祥

字晉公邠州人

為陝西轉運使制置解鹽事

自復權法兵民輦運不勝其苦並邊務誘人入中芻粟皆為虛估騰踊至數倍大耗京師錢幣太常博士范祥關中人也熟其利害常謂兩池之利甚博而不能少助邊計者公私侵漁之害也倘一變法歲可省

度支緡錢數十百萬乃畫策以獻遂命制置其事使推行之論者爭言其非是遣戶部使包拯馳視還言其便論者猶籍籍驛召祥至與三司雜議皆是祥所建詔從之田況請久任祥以專其事乃擢祥為轉運使于是舊禁鹽地一切通商聽鹽入蜀罷九州軍入中芻粟令入實錢償以鹽授以要券即池驗券按數而出盡弛兵民輦運之役以商所入緡錢糴粟輸並邊九州軍而悉留權貨物錢幣以實中都由是黠商

貪賈無所僥倖關內之民得安其業公私便之

按宋史食

貨志祥之獻策變法在慶厯四年會祥以病告不果行至八年復申前說乃以祥為陝西提點刑獄兼制置解鹽事推行其法至皇祐元年侍御史知雜何卽復言其非其明年遣包拯馳視以為便田况為三司使請久任祥擢祥為轉運是祥法之行在慶厯八年祥之為轉運亦當在是年之前續綱目及通鑑皆書于此且似鹽法至此始變者殊為失實但食貨志及范祥包拯田况各傳俱不著日月若改書在慶厯八年無月可繫今姑仍其舊而加注以辨于此

冬十月以胡瑗為國子監直講

瑗既居太學其徒至不能容取旁官舍處之禮部所

得士瑗弟子十常居四五隨才高下喜自修飭衣服
容止往往相類人遇之不問可知為瑗弟子也時與
孫復同為直講復教養不及瑗而治經過之

十一月壬寅朔日食

十二月狄青勒兵賓州

唐置今屬柳州府

陳曙兵敗青斬之以

徇

先是儂智高陷賓州復入于邕

時交趾請出兵助討智高余請以便宜許

之請于朝青奏曰假兵于外以除內寇非我利也以一智高橫踐二廣力不能制乃假蠻夷兵蠻夷貪得

忘義因而啟亂何以禦之
願罷交趾助兵帝從之
及是青合孫沔余靖之兵

進次賓州青行軍立行伍明束約野宿皆成營柵戒

諸將無得妄與賊鬪聽吾所為鈐轄陳曙乘青未至

輒以步兵八千擊賊潰於崑崙關

在南寧府宣化縣東北崑崙山上

輿紀要關扼賓邕兩界旁多岐嶺最為衝要

殿直袁用等皆遁青曰令之

不齊兵所以敗晨會諸將堂上揖曙起并召用等三

十二人按以敗亡狀驅出軍門斬之沔靖相顧愕眙

諸將股栗莫敢仰視

狄青下崑崙與
李愬之入淮蔡
同為攻其無備
而設施畧異愬
則稟命裴度而
勒兵迅發青則
盛張燈宴而撤
服徃行非青之
必欲輕悅冒險
也蓋元和之師
素奉節制故不
妨先事部分而

癸巳

五年春正月狄青夜度崑崙關大敗儂智高于邕州

智高走大理

即唐南詔滇載記石晉天福初
段思平據有南詔改國號大理

廣南平

青既誅陳曙因按兵止營令軍休十日衆莫測賊覘
者還言軍未即進青明日即整兵自將前軍孫沔將
次軍余靖為殿夕次崑崙關值上元節大張燈樂飲
徹曉次夜二鼓方晏從軍官青忽稱疾暫起如內數
使勸飲遲明諸將環立帳前待令乃發而青已微服
與先鋒度闕趣諸將會食關外賊方覺悉出逆戰右

此則人未相習
不能運如臂指
雖陳騶驍道令
致敗軍律已中
而人心尚未服
屬使預示機宜
安保無漏洩債
事者中夜勸飲
如常遞明始趣
會食諸將且無
從揣測賊人更
何由窺見端倪
成功之速實在
於此而其胸有
成算出奇致勝
則兩人如一轍

將孫節

開封人

搏賊死山下賊氣銳甚汚等懼失色青

執白旗麾蕃落騎兵從左右翼擊之縱橫開合部位

不亂賊不知所為大敗走追奔五十里斬首數千餘

級賊黨黃師宓儂建中等及偽官屬死者百五十七

人生擒賊五百餘死者萬計智高夜縱火燒城遁去

由合江口

左右两江合流處注見前

入大理青按兵入城獲金帛

鉅萬招復老壯七千二百嘗為賊所俘脇者慰遣之

衆師宓等於城下時賊屍有衣金龍衣者衆謂智高

已死欲以上聞青曰安知其非詐耶寧失智高不可
誣朝廷以貪功也廣南悉平捷至帝喜曰青破賊龐
籍之力也又曰向非梁適言南方安危未可知也詔

余靖經制廣西追捕智高而召青汙還朝

後二年靖
遣都監蕭

注入特磨道生獲智高母及其弟智光子繼宗等又
募死士使大理求智高重譯得至會智高已死函首
至京師乃誅其母及其弟子 蕭注字
巖夫新喻人特磨道今雲南廣南府是

夏五月高若訥罷以狄青為樞密使孫沔為副使

賞平廣南功也龐籍及臺諫朝士皆論青不可長省

府帝不聽

以孫抃

字夢得眉山

為御史中丞

韓絳奏抃非糾繩才抃即手書曰臣觀方今士人以善求事為精神以能託人為風采捷給者謂之有議論刻深者謂之有政事諫官所謂才者無乃謂是乎若然臣誠不能也上察其言趣令視事未幾抃舉吳中復

字仲庶永興人

為監察御史抃未始識其面或問之抃

曰昔人耻為呈身御史今豈薦識面臺官邪

秋閏七月龐籍罷以陳執中梁適同平章事

籍長于吏事持法深峭士卒畏服及為相聲名減于
治郡時會姻屬與堂吏受賂事覺罷知鄆州執中適遂相
詔定內侍員

詔自今內侍供奉至黃門以一百八十人為額仍詔內
侍省都知押班湏年五十以上歷任無贓私罪者乃得
為之

冬十月丙申朔日食

十一月詔減畿內諸縣稅

瑞明殿學士張方平言王畿賦歛之重詔開封府諸縣兩稅于元額減二分永為定式

甲午至和元年春正月貴妃張氏卒追冊為溫成皇后二月孫沔罷

貴妃巧慧多智數善承迎至贈其父堯封為郡王世父堯佐至太師姘戚莫不顯貴然帝守法度事無大小悉付外廷議凡宮禁干請雖已賜可或輒中卻妃

璧幸少比然終不得紊政及卒帝憂悼甚至輟朝七日禁京城舉樂一月追冊為皇后治喪皇儀殿知制誥王洙鈞據非禮陰與內侍石全斌附會欲令孫沔讀冊宰相護葬帝從之沔曰陛下以臣沔讀冊則可以樞密副使讀冊則不可遂求罷乃出知杭州時陳執中為首相奉行惟謹且引洙為員外翰林學士士論由是爭咎執中

京師疫

內出犀角二令太醫和藥以療民其一通天犀也左
右請留供服御帝曰吾豈貴異物而賤百姓哉立命
碎之

以田況為樞密副使三月王貽永罷以王德用為樞密
使

貽永尚真宗女鄭國公主自以祖宗來無外姻輔政
者恒懼寵祿過盛故在樞府十五年能遠權勢帝由
是益加尊禮至是以疾罷德用時以太子太師致仕

會乾元節上壽立班廷中契丹使語譯者曰黑王相公乃復起邪帝聞之遂拜樞使

夏四月甲午朔日食用牲于社

秋七月以程戡

字勝之許州陽翟人

參知政事梁適免

適曉暢法令臨事有膽量而多挾智數貪黷怙權不

戢子弟御史中丞孫抃御史馬遵

字仲塗樂平人

吳中復論

之出知鄭州

八月以劉沆同平章事冬十月葬溫成皇后祔其主於太廟

劉沆以會葬得授平章論者譏

之乃載其力辭
賜金事然辭實
而為其子求官
所望不更奢乎
是亦壅斷賤丈
夫而已且仁宗
獨未聞賜錢而
不與郎官之事
乎

劉沆充溫成皇后園林監護使既葬祔廟賜后閣中金

器數百兩沆力辭而為其子請試學士院遂授館職

乙未

二年春三月改封孔子後世愿

孔子四十
七代孫

為衍聖公

世愿襲封文宣王太常博士祖無擇

字擇之
上蔡人

言祖謚

不可加後嗣乃詔改封仍令世襲

夏四月定差衙前

注見
前法

初太宗立九等差役法

事見
前

後承平既久姦偽滋生而

里正衙前

謂以里正
復充衙前

輦運官物陪償折耗役為至重民

多破產者知并州韓琦請罷其法蔡襄亦為帝言之乃

視貲產多寡差排鄉戶衙前

選鄉中貲最高者充差

置籍分為五則

定役輕重而罷里正衙前自是民稍休息

馬端臨曰既云罷里正衙

前而復選貲最高者為鄉戶衙前則不過能免里正重復應役之苦而衙前弊如故也

以趙抃

字閱道衢州西安人

為殿中侍御史

抃彈劾不避權倖聲稱凜然京師目為鐵面御史其

言務欲朝廷別白君子小人以為小人雖小過當力

過而絕之君子不幸誑誤當保全愛惜以成就其德

君子小人之別
平時衡量人品
則然至有過誤
而于吏議豈能

復據以為斷若
預設流品於胸
中無論別白未
必悉當即果無
清濫而起于君
子既非春秋責
備賢者之義刻
于小人亦非聖
人不為已甚之
心又何以示大
公而中成憲耶

時吳充鞠真卿馬遵吳中復等皆以直言居外充真卿以

論溫成皇后追冊事出字直孺歐陽修賈黯鄧州人復求郡

并言近日正人端士紛紛引去者以正色立朝不能
詔事權要傷之者衆耳由是充等悉得召還

六月陳執中免

知諫院范鎮論執中無學術非宰相器會執中嬖妾
笞小婢出外舍死孫抃趙抃等論之不報至是以旱
錄囚鎮言執中為相不病而家居陛下欲弭災變宜

官知之用世官其彼為則為矣如而且或

宦官宮妾不知
姓名之語從來
傳為美談而不
知實非也即如
司馬光婦人女
子無不知之豈

速退執中以快天下之望今臺臣不以陰陽不和責
宰相而舍大索小暴揚燕私若因此為進退是因一
婢逐一相非所以明等級辨堂陛也孫抃復與其屬
合班論奏執中過失執中竟免

以文彥博富弼同平章事

帝嘗問置相于王素素對曰惟宦官宮妾不知姓名
者可充其選帝曰如是則富弼爾至是彥博與弼同
召至郊詔百官迎之范鎮言曰隆之以虛禮不若推

官宮其獨不
豈亦固其知
而不可用乎
人為之主駭
入權不但宜
信要不可操
雅而已也且
獨一富弼
如輩所不知
仁朝者將盡
如輩所知者
弼一富弼其
一公九列何
時君臣方
以然自詡為
不亦大可

之以至誠及宣召士大夫相慶於朝帝遣小黃門覘
知之語翰林學士歐陽修曰古之命相或得諸夢卜
今朕用二相人情如是豈不賢於夢卜哉修頓首賀
會契丹使者耶律防至王德用與射于玉津園防曰
天子以公典樞密而用富公為相將相皆得人矣
以張昇

字杲卿
韓城人

為御史中丞

昇指切時政無所避畏帝謂之曰卿孤立乃能如是
昇對曰臣仰托聖主致位侍從是為不孤今陛下之

臣持祿養望者多而赤心謀國者少竊以為陛下乃
孤立耳帝為感動

秋八月契丹主宗真卒子洪基立

宗真入秋山

在遼長春州境長春
州今為郭爾羅斯地

有疾翌日卒

宗真性佻

佻嘗因夜晏自入樂隊又數變服入酒肆寺觀尤重
浮屠法僧有正拜三公三師兼政事令者其臣馬保
忠嘗勸以臣下無勲勞宜序進之宗真怫然怒曰若
爾則是君不得專宜社稷之福邪自是欲有遷除必
先厚賜近臣以絕其
言及卒廟號興宗長子燕趙國王洪基即位以太

弟重元為太叔大赦改元清寧尊皇太后為太皇太

后遣使來告哀朝廷遣使祭奠

冬十月知辰州宋守信擊下溪蠻不克

下溪州自彭允林歸順

事俱前

其後世為刺史至仕義

允林

傳子師皎太平興國中允殊襲刺史至仕義又五傳

有子曰師寶怨仕義取其妻

及是來奔辰州訴仕義嘗殺誓下十三州

注見前

將奪其

印符而并其地自號如意大王補置官屬將起為亂知

辰州宋守信聞之乃以師寶為鄉導帥兵數千深入討

伐仕義遁入他洞不可得俘其孥官軍戰死者十八九

守信等皆坐貶自是蠻獠數入寇掠邊吏不能制

朝廷姑欲

無事遣吏諭旨許以改過自歸初輒不聽後遣轉運使以大兵臨之至嘉祐二年任義始就降奉職貢然猶數盜邊久之任義為其子師綵所殺師綵專為暴虐其兄師晏攻報之納誓表于朝乃命師晏襲州事

十二月修六塔河

六塔地名今大名府清豐縣西南有六塔集即宋時開河處

初真宗景德元年河決澶州橫隴埽

在今大名府開州東

尋復

修塞

時河屢決著作郎李垂上導河形勝書并圖其畧朝議謂其煩費議遂寢未幾河決滑州之天

台山傍垂又言疏河利害議復寢久之決河始塞至天台山在衛輝府滑縣西李垂字舜工聊城人

帝景祐元年河又決橫隴遂為大河經流迨慶厯八

年河復決州之商胡埽

在今開州東北宋史河渠志決口廣五百五十七步皇祐

元年河合永濟渠注乾寧軍

而橫隴斷流已而復決大名館陶

皇祐

二年河決館陶之郭固四年塞之

至是殿中丞李仲昌

垂之子

請自商

河穿六塔渠引河歸橫隴故道

先是郭固雖塞而河勢猶壅議者請開六

塔以披其勢及是仲昌復以為言

詔從之發丁夫三十萬修六塔河

時穿渠自開州北引商胡決河流經六塔東南入橫隴故道是為六塔河

以仲昌提舉河

渠翰林學士歐陽修三上疏力諫不聽

方議開六塔之初修上疏

以為修河之役有大不可者五宜速止罷用安人心既而有詔詳定仲昌河議修復上疏以為開六塔者

云可以全回大河使復橫隴故道今六塔止是別河
下流所散為患已多若全回大河以注之則河北之
州當更不勝其患而又故道淤澀上流必有他決之
虞願下臣議裁取其當及中書奏仲昌提舉修復上
疏請罷其役且言功必不成後悔無
及時富弼尤主仲昌議疏奏皆不省
明年四月朔塞
商胡北流

以商胡之流北合永濟渠故謂之北流

入六塔河不能容是

夕復決溺兵夫漂芻藁不可勝計仲昌坐流英州餘

誅罰有差由是議者久不復論河事

攷續綱目及宋元通鑑是條之

載以修六塔而橫隴商胡之決並不先行揭出但錄
宋史河渠志總序數十言于河決館陶之上叙次殊
不明晰且歐陽修三狀不更節採數語亦為疎漏今
依河渠志並採修文集及胡渭禹貢雖指所云宋時

穿渠云
云改輯



御批歷代通鑑輯覽卷七十五